

ওযু

ওযু: পেশাব, পায়খানাসহ এ জাতীয় ছোট নাপাকি হতে পরিচ্ছন্ন হয়ে পবিত্রতা অর্জন করার ইসলামী বিধানকে ওযু বলা হয়।

ওযুর নিয়ম: (১) প্রথমে অন্তরে পবিত্রতার নিয়ত করবে, মুখে উচ্চারণ করবে না। (২) “বিসমিল্লাহ” বলে আরম্ভ করবে। (৩) দুই হাত কব্জি পর্যন্ত তিনবার ধৌত করবে। (৪) ৩ বার কুলি করবে। (৫) ৩ বার নাকে পানি দিয়ে নাক ঝেড়ে ফেলবে। (৬) তাঁরপর পূর্ণ মুখমণ্ডল ৩ বার ধৌত করবে। (৭) প্রথমে ডান হাত, অতঃপর বাম হাত কনুই পর্যন্ত ৩ বার ধৌত করবে। ৯৮) এরপর সম্পূর্ণ মাথা ও কান মাসাহ করবে। (৯) দুই পা গিরাসহ ৩ বার ধৌত করবে। (১০) ওযুর শেষে নিম্নের দু’আ পাঠ করবে-

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

অর্থ: আমি সাক্ষ্য দিচ্ছি যে, আল্লাহ্ ছাড়া সত্যিকার কোন মা’বুদ নেই। তিনি এক, তাঁর কোন শরীক নেই। আমি আরো সাক্ষ্য দিচ্ছি যে, মুহাম্মাদ সাঃ তাঁর বান্দা ও রাসূল